



武威王先生二正馬二正快

夢
每三千字五字

武威王先生

武威張

澍



集仙傳狄人丹為晉獻公木正公滅狄又殺恭太子丹遁
去趙宣子時丹乘車復入晉都靈公欲用之逼不以禮有迅
風發丹入回風中去按列仙傳丹狄人文侯時為大夫獻公
時復為幕府正

國語周赦王時有馬犯

姓韻卷五十九

上聲

二十一馬

武威張澍纂

馬 見姓謹

集仙傳狄人馬丹為晉獻公木正公滅狄又殺恭太子丹遁去趙宣子時丹乘車復入晉都靈公欲用之逼不以禮有迅風發丹入回風中去按列仙傳丹狄人文侯時為大夫獻公時復為幕府正

國語周赧王時有馬犯

元和郡縣志馬嵬城馬嵬于此築城以避難未詳何代人按
通典引孫景安正塗記云馬嵬城馬嵬所築不知何代人
匈奴傳馬宏副光祿大夫王忠使西域為匈奴所遮忠戰死
宏被執不肯降至蘇武歸匈奴令隨武歸

漢書光武捕虜將軍馬武揚武將軍馬成伏波將軍馬援按
水經注馬員字季主援之兄王莽以為增山連率歸世祖為
上郡太守袁宏記馬援兄况封窮虜侯余封致符子况兄員
皆二千石封侯蔡邕集曰余為中水侯

按漢書靈帝時射聲校尉馬日磾為太尉後為太傅議郎馬
芳為助軍右校尉章帝時車騎將軍馬防討燒當羌破之馬
英字文思兗州蓋縣人安帝時由太僕為太尉馬翼安帝時
為使匈奴中即將討南匈奴左日逐王破之馬續為護羌校
尉破種羌於隴西漢陽後為度遼將軍討吾斯車紐破之馬
賢為征西將軍與且凍羌戰於射姑山賢軍敗沒馬實為使
匈奴中即將遣人刺殺匈奴吾斯

魏略明帝青龍中令博士馬鈞作指南車車上有本仙人舉
手恒指南按馬鈞字德衡扶風人其事詳見傅子序

通典後魏太武帝使工人郭善明造指南車彌年不就扶風

人馬岳又造壘成善明醜殺之

馬矢氏見漢書

英賢傳漢河東人馬矢匡按林寶以莊子有馬矢子訛矣

馬師氏見釋例

按馬師皇為皇帝牧正列仙傳云為馬醫知馬形生死之診治之輒愈

左昭公四年傳子皮之族飲酒無度故馬師氏與子皮氏有惡注馬師氏公孫鉏之子罕朔也世族謚云子羽暈穆公子其後為羽氏即馬師頡是其孫又左襄三十年馬師頡出奔

公孫鉏代之為馬師與子皮俱是一族蓋公孫鉏子展之弟展生子皮鉏生罕朔朔是子皮之孫禮謂之從父昆弟世族謚又云馬師頡子羽孫

馬服氏見漢書注史正義

馬適氏見漢書注

漢功臣表有畢梁侯馬適育

昭帝紀元鳳元年成都氏人反遣執金吾馬適建擊之將三輔太常討破之亦見西南夸傳按百官表昭帝時執金吾河東馬適建子孟任職六年坐殺人下獄自殺

樊騰傳馬適匡為樊騰所誅殺按師古注匡蓋建之後也
王莽傳鉅鹿男子馬適求等謀舉燕趙兵以誅莽大司空士
王丹發覺以聞莽遣三公大夫逮治黨與連及郡國豪傑數
千人皆誅死封丹為輔國侯按亦見荀悅紀

揚震碑陰有馬適子

缺一字常山人

魏略鍾繇自刻書云輒以文書付功曹從事馬適議免冠徒
跣

集古印誼漢有馬適衡

馮 見章丘志此姓諸書無今補

賈 見左杜注

按晉有賈髦伐屈事在僖公六年賈伯賈辛太師賈佗以公
族從文公不在五人之數晉語賈佗公族也韋注賈佗狐偃
之子狐射姑賈季也食采于賈陳有賈獲載其母妻下之而
而授公車見襄二十五年傳齊莊公有侍人賈舉為崔杼間
公又有救莊公從死之賈舉見襄二十五年傳齊又有賈寅
趙有賈偃

漢書昭帝紀左馮翊賈勝胡

元帝紀用待詔賈捐之議罷珠崖

漢書諸吏散騎光祿勳賈延為御史大夫與王嘉上封事言
封董賢等三人眾庶勾勾

隨志賈魴作洵喜篇按魴字叔郎章帝永元中人

漢書以東郡賈琮為交趾刺史琮誅斬渠帥為大害者簡選
良吏歲間蕩定百姓以安里巷歌之

漢書更始將賈彊為馮異寇恂等所殺又光武執金吾賈復
又代郡太守劉興擊盧芳將賈覽于高柳戰沒又平城人賈
丹殺盧芳將尹由來降又北地太守賈福與趙冲擊鞏唐不
利又靈帝時益州從事賈龍擊黃巾馬相斬之

按武威之賈魏有賈詡字文和閻忠稱有良平之智位至太

尉子穆歷郡守穆子模模子允允弟龕秦州刺史賈疋字彥

度詡之曾孫器望甚偉以匡復晉室為己任官安定太守眾

推為平西將軍張實之安故太守賈騫使入衛京師實之妻

弟大姓賈摹苻秦丞相司馬賈雍為雲中護軍左長史賈彥

碩進軍師將軍中書令又賈彥石為苻生尚書僕射苻堅時

呂光討西域以彥威賈虛為四府將佐賈彝字彥倫為慕容

垂遼西王農記室子秀位中庶子本州大中正清廉儉約不

營貨產子儁字異隣位荊州刺史在任表置學宮清靜寡事

吏民安之子叔休襲邑伯爵彝從兄潤為代郡太守潤曾
孫禎字叔願學涉經史居喪以孝聞官散騎常侍加冠軍將
軍禎兄子景儁以學識知名為京兆王愉府外兵參軍愉起
逆於冀州不受愉官死之謚曰貞景儁弟景興清峻鯁正為
周主簿不拜葛榮

晉書賈謚本韓壽子隨外家姓至充復詔所謂以恩繼情者

賈孫氏見世本姓苑

姓苑漢侍中有賈孫強按一作賈孫騷北海人

夏
見姓纂

列子湯時有夏棘賢人按一作夏草草棘古字通成字英莊
子書湯之博士

荒史湯因桀於章山其臣夏耕以身蔽之眾軍斬耕首猶操
戈僵立車前亦見山海經

按陳夏御叔宣公孫夏徵舒夏南也夏鬻悼子為徵舒三世
孫杜預以為字孫非也又有夏區夫徵舒四世孫春秋分記
云宣公子少西生御叔御叔生徵舒徵舒生晉晉生禦寇禦
寇生鬻鬻生區夫

尸子燕有夏扶荆軻入秦時扶自刎以送軻按燕丹子田光

曰夏扶血勇之人怒而面赤

戰國策夏育叱呼駭三軍身死庸夫高誘曰育衛人為申繻所殺按申繻一作田搏搏又作搏

袁宏記段熲司馬夏育後為北地太守護烏丸校尉又夏育下邳淮浦人以忠直稱所歷皆有名跡又郭況黨夏育謀脅乘輿西行是有三夏育也

漢書司徒夏勤字伯宗壽春人安帝時由大鴻臚為司徒又又太山都尉夏恭字敬公陳留夏馥字子治在黨錮傳又哀帝時待詔夏賀良等言赤精子之讖漢祚運中哀當再受命

宜改元易號又夏方字文正為交趾刺史日南蠻夸攻燒城邑方招誘降之又夏牟諫議大夫為左校尉

隸釋相府小史夏堪字叔德碑在亳州

夏侯氏見姓謹

齊策孟嘗君奉夏侯章以四馬百人之食章每言未嘗不毀之也

神仙傳仙人有夏侯信涉正弟子登山涉險鼻有齧聲足不蹉跌人號睡仙

史記夏侯嬰沛人官太僕謚曰文侯初嬰為滕令奉車號滕

公及曾孫頗尚主主隨外家姓號公孫主故滕公子孫更為
孫氏

梁書漢高帝改韶樂曰文始惠帝使太樂令夏侯寬合之絃
管改名曰安世

儒林傳夏侯始昌魯人通五經以齊詩尚書教授元明陰陽
先言柏梁臺災果驗為昌邑王太傅以壽終族子勝字長公
從始昌受尚書及洪範五行傳說災異後事簡卿又從歐陽
氏問為學精熟善說禮議宗廟事繫獄後復為長信少府從
子建字長卿師事勝及歐陽高自顯門名經為議郎博士至

太傅勝子兼為左中曹大夫孫亮至長信少府司農大鴻臚
曾孫蕃郡守州牧長樂少府勝同產弟子賞為梁內史賞子
定國為豫章太守而建子千秋亦為少府太子少傅儒林傳
又曰張生授尚書夏侯都尉都尉授族子始昌傳族子勝為
大夏侯氏學勝傳從兄子建建別為小夏侯氏學

孝子傳夏侯訢字長况寧陵人侍母疾衣不解帶者二年夢
父告曰天賜汝仙藥在室後桑枝上訢驚起得之母病頓瘥
漢書使中郎將夏侯藩如匈奴王根喻令從求斗入漠地直
張掖郡之山按藩于孝平皇帝時為長樂少府與尚書令平

晏納采見女

三國志魏有征蜀護軍夏侯儒兗州刺史夏侯威并州刺史
夏侯駿樂安太守夏侯惠河南尹夏侯和領軍將軍夏侯獻
征南大將軍夏侯尚又夏侯惇字元讓為前將軍在軍旅迎
師授業性情儉死謚曰忠侯子充嗣夏侯淵字妙才惇族弟
為劉先主所殺夏侯彥字太初官太常與諸葛誕何晏等為
友以當時才望為司馬景王所忌而殺之彥宗族為設祭見
彥來靈座脫頭置其筭悉斂果因食物以納頭既而自安頸
言曰吾得訴於上帝矣司馬子元無嗣也夏侯霸降蜀官雍
州牧夏侯纂為廣漢太守嘗三造秦宓之廬

晉書夏侯湛字孝若祖威字季權魏荆兗二州刺史父莊淮
南太守湛有盛才文章宏富善構新詞而美容觀對策中第
拜郎中累年不調作抵疑以自廣為野王令以恤隱為急惠
帝時為散騎常侍卒著論三十餘篇別為一家之言初湛作
周詩成以示潘岳曰此文非獨溫雅乃別見孝弟之性弟淳
字孝冲亦有文藻官至弋陽太守

晉書日南太守夏侯覽貪縱侵竒又科調船材諸國恚憤林
邑王范文攻陷日南殺之

傳咸傳晉豫州大中正夏侯俊又夏侯駿新立屋間蒞毘障
二十丈咸劾之請免少府駿官按駿字長容傳咸諫揚駿曰
夏侯長容無功而暴擢為少府論者以長容公之姻家故至
于此

搜神記夏侯藻母病困將詣淳于智卜有一狐當門向之嗥
叫藻惧遂馳智智曰禍甚急若速歸在嗥處拊心哭令家人
驚恠大小畢出一人不出哭勿休藻如之母亦扶病而出堂
屋拉然而崩

王隱晉書夏侯愷字萬仁病亡愷家宗人兒狗奴素見鬼見
愷數歸欲取馬及其弟阮公愷云我本未應死尚有九年官
記室缺總召十人不職書不中皆得出我書中遂逼留補缺
廣古今五行志云元嘉中夏侯祖觀為兗州刺史鎮瑕丘卒
于官沈僧榮代之經年夏侯來謁僧榮語如平生每論幽冥
事僧榮牀上有一織成寶飾絡帶夏侯曰豈能見與可命焚
之僧榮令燒之已見夏侯帶在腰上

宋史夏侯嶠字峻極高祖秀濟州鉅野鎮游弈父浦梁開平
中以明經至隸州錄事參軍嶠幼好學弱冠以詞賤稱周相
李穀延至門下太平興國初登甲科除大理評事判興州雍

熙二年改左補闕直史館江浙饑為江南巡撫使所過疏理
刑訟存問耆老務從簡寬人以為便景德元年卒子晟為太
子中舍孫恭為奉禮郎亦至中舍姪孫蔚同學究出身嶠喜
鼓琴好讀莊老書淳厚謹慎居官無過失祥符時晟上漢武
封禪圖繪金匱玉匱石碣石距之狀咸有注釋上覽而喜之
官至駕部員外郎

梁書夏侯詳字叔業譙人年十六遭父喪哀毀三年廬墓側
有三足雀飛集其戶任宋新汲令有異績仕齊新興太守梁
武帝起兵詳與蕭穎胄同創大舉官軍騎將軍出為湘州刺

史詳善吏事為百姓所稱徵為尚書右僕射道卒子亶嗣亶
字世龍為安陸太守吳興太守均有惠政後為南豫州刺史
加都督壽春輕刑薄賦務農省役戶口復大州民夏侯簡等
請為亶立碑置祠詔許之亶性儉不事奢侈晚好音樂妓妾
十數人並無被服姿容每有客嘗隔簾奏之時謂簾為夏侯
妓衣弟夔大通時為豫州刺史加督豫州有恩惠百姓歌之
曰我之有州頻仍夏侯前兄後弟布政優優大同四年卒于
州謚曰桓子譔嗣官至太僕卿

齊書夏侯恭叔譙人垣崇祖在豫州聞其才義拜為主簿兼

掌書翰齊高帝卽位方鎮皆有賀表王儉見崇祖表咨嗟曰
此恭叔辭也後為竟陵令惠化大行木連理上有光咸以為
善政所致

魏書夏彥道遷譙人少有志操歸魏拜驍騎將軍隨王肅至
壽春肅薨道遷奔戍南叛會梁以莊上黑為征虜將軍請道
遷為長史後歸順詣闕除南兖州大中正道遷雖學不深洽
而歷覽書史閑尺牘歷粵瀛二州刺史為政清嚴善禁盜賊
長子夫字元廷歷鎮遠將軍

甄異記夏彥文規居京止後二年乘犢車還家自云北海太
守家人設饌見所飲食皆盡去後器滿如故見庭中桃樹曰
此我種子甚美好其婦曰人言止者畏桃君何不畏荅曰桃
東南枝長二尺八寸向日者憎之見地有蒜殼令拾去觀其
意似憎蒜而畏桃也

三水小牘汝州魯山縣小山有祠曰女靈其像低鬟頰蛾艷
冶而有怨慕之色大中初其神見于樵蘇者曰吾商於之也
帝命主此百里咸通末縣主簿皇甫枚因時祭與友人夏彥
禎偕行祭畢縱觀夏彥禎眷眷不能去索卮酒酌曰禎少年
無偶仰觀靈姿願為廟中掃除之役其夕禎忽目瞪口噤不

能言枚走視之禱曰夏侯禎不勝殘孽之餘致有慢言責于神聽今疾作矣豈降之罰耶抑允其請耶若降之罰是一言而斃一國士違好生之德當專戮之辜若果其請是以一言舍貞靜之道播淫佚之行念張碩而動雲軒顧交甫而解明珮若九閻一叫必貽悻滔不脩之責莫訖夏侯生不豫如故隨志有夏侯詠漢書音二卷又四聲韻略十三卷夏侯陽筭經三卷甄鸞注

陳書後主將自投于井後閣舍人夏侯公韻以身蔽井後主與爭久之乃得入

舊唐書本傳夏侯孜字好學譙人懿宗卽位同平章事咸通八年罷相充劔南西川節度使屬南蠻入寇蜀中饑饉軍儲不備蠻陷嵩州蜀川大擾尋移孜為河中晉絳節度使後貶秩分司東郡卒

唐藝文志夏侯伏朗三孔圖十二卷

新唐書地理志綿州巴西縣南六里有廣濟陂引渠溉田百餘頃垂拱四年綿州長史樊思存令夏侯夔因故渠開張鷟朝野僉載益州新繁令夏侯彪之初下車問里正曰雞卵一錢幾顆曰三顆彪之乃遣取十千錢買三萬顆謂里正

曰未須要且寄母雞抱之遂成三萬頭雞經數月長成令縣吏與我賣一雞三十錢半年之間成三十萬又問竹笋一錢幾莖曰五莖又取十千錢付之買得五萬莖謂里正曰吾未須要筍且向林中養之至秋竹成一莖十錢成五十萬其貪鄙不道皆類此

又夏侯處信為荊州刺史有賓過之處信命僕作食僕附耳語曰洩幾許麪信曰兩人二升即可矣僕久入不出賓以事告去信遽呼僕僕曰已洩訖信鳴指云大異事良久乃曰可總燔作餅吾公退食之又以小瓶貯醢一升自食家人不沾

一瀝僕曰醋盡信取瓶合于掌上餘數滴因以口汲之凡市必經手乃授值識者鄙之

唐書夏侯端詳之孫遂術數密語高祖曰玉牀搖帝坐不安參虛得歲真人將興安天下之亂者其在公乎後李密降關東地未有所屬端請假節招諭道塞無所歸彷徨麾下麾下擷豆食欲自刎從者持之乃止會李公逸守杞州勒兵迎端王世充以少吏部印綬召端端即焚書及衣解節毛懷之間道走宜陽歷匡峭榛莽比到其下僅有存者帝憫之拜密書監出為梓州刺史散祿廩周孤窮不為子孫計貞觀元年卒

又夏彥審官侍御史工詩辭情致敏麗為大歷十才子之一
又夏彥銛開元朝官殿中侍御史內供奉歷度支金部員外
郎遷給事中

酉陽雜俎元和末海陵夏彥一庭前生百合花大如常數倍
異之發其下得臂匣十三重各匣一鏡至第七者光不蝕照
日光環一丈其餘規銅而已

宋史夏彥嘉正字會之江陵人少有俊才與王禹偁羅處約
齊名登進士官著作左郎嘗為洞庭賦徐鉉見之云木夕虛
之流也端拱初太宗召試擢右正言直史館子紆太子中舍

夏父氏見韻誼

左文公三年傳宗人夏父展國語哀姜至公使大夫宗婦覲
用幣宗人夏父展曰非故也韋昭注夏父氏也展名也子夏
父弗忌按禮器作夏父弗綦國語夏父弗忌為宗伯烝將躋
僖公宗有司曰非昭穆也按亦見左文二年傳

英賢傳宋有大夫夏父社按社一引作徵

夏丁氏見釋例

左傳哀公二十五年初衛人剪夏丁氏以其帑賜彭封彌子
彌子飲公酒納夏成之女嬖以為夫人其弟期太叔疾之從

孫甥也杜注期夏戊之子

夏戊氏見路史

左哀十一年傳悼子即位故夏戊為大夫悼子亡衛人剪夏戊杜注悼子大叔疾夏戊悼子之甥

夏后氏見姓纂

夏陽氏見姓誼

左成公六年傳晉伯宗夏陽說衛孫良夫甯伯侵宋以其辭會也師于鍼衛人不保說欲襲衛伯宗不可按夏音賈

夏里氏見陳留志姓纂

野 見姓誼

左昭公二十四年傳收鼻之戰齊子囊從野洩叱之洩曰軍無私怨報乃私也將亢子又叱之亦叱之注野洩即野聲子唐書李多祚從太子率兵入宮多祚壻羽林中郎將野呼利為前鋒總管楊思勛挺刃斬之

墊江縣志古東婁野氏乾隆年間旌表

野利氏見唐書党項傳

按唐大麻末野利禿羅都與吐蕃叛郭子儀斬之而野利景庭野利剛以其部入附雞子川又有六州部落曰野利越詩

野利龍兒野利厥律兒野海野宰等居慶州號東山部而越
詩之後世事夏國

野詩氏見唐書

唐書鳳翔將野詩良輔以名雄邊庭為隴州刺史朝廷遣使
至吐蕃虜輒言唐家稱和好豈妄耶不爾安得任良輔為隴
州刺史按李晟遣蕃落使野詩良輔與王佖將王佖將步騎
五千襲吐蕃推砂堡又張敬則傳遣大將野詩良輔發銳卒
至隴西蕃戎大駭

野辭氏見姓誼路史

野頭氏見隨書按宜作費野頭氏

野啞氏後魏虜姓按一作地啞又作地啞也音野啞音至

野律氏見唐書党項傳

假見姓苑

儒林傳陳留人假倉字子驕治尚書受學于平陵張山拊以
謁者論石渠閣官至膠東相騎都尉尚書有假氏學
按酷吏傳有殷中徐廣云一作假人亦有姓假者也

冶見左杜注

古文瓌語晉冶氏女徒病棄之舞囂之馬僮飲馬而見之病

徒曰吾夜夢馬僮曰奚夢曰吾夢乘水如汾河三馬當以舞
僮告舞蹈自往視之曰尚可活吾買汝谷既曰棄之矣猶未
死乎舞蹈曰未遂買之至舞蹈氏而疾有間乃生荀林父
左傳衛大夫冶厘衛侯賄周歆冶厘曰苟能納我使爾為卿
周歆先入及門而死冶厘辭卿事在僖公三十年
又魯大夫冶區夫叔弓圍費區夫勸叔弓見費人寒者衣飢
者食共其困乏費來如歸南氏亡矣事在昭公十三年

四川志冶大雄成都人以行伍隨總督岳鍾琪征西藏青海
功雍正三年授藍翎侍衛遷貴州撫標遊擊陝西莊浪參將

八年署督標副將偕總兵樊廷率兵二千破準噶爾賊轉戰
七晝夜殺賊過當得旨褒嘉給騎都尉世職賞銀五十兩九
年授直隸山永協副將旋遷湖北夔陵鎮總兵十二年調山
西大同鎮與前總兵李如栢互劾褫職乾隆元年復官湖廣
衡州協副將五年城綏苗猺不靖大雄勦撫之六年擢襄陽
總兵歷鎮寧鎮雲南楚雄鎮昭通鎮總兵十二年以勦苗功
加都督僉事銜十三年隨經畧大學士傅恒征金川授雲南
提督十五年加左都督銜後以署安西提督為總督方觀承
劾免孫正宗襲

又冶正華由行伍拔雅州營千總隨征教匪嘉慶二年三月十一日與馬玉成同時陣亡於金峩寺邱蔭如例冶正恩以襲蔭襲騎都尉授雲南遊擊嘉慶四年調征川楚邪匪屢著勞績率領兵勇于達州擊賊陣亡邱蔭如例嘉慶時四川松潘鎮綏靖巴總冶明德大雄之後

也

姓謚也伯先懷寧人洪武初歲貢任訓導

甘肅志也速迭兒河西人仕元至廉訪使

揚洪傳三年春擊寇于伯顏山洪馬蹶傷足戰益力擒其部

長也陵台等四人

成都志也承聖山東人雍正三年任成都守備

渭南縣志也輔清嘉慶庚午科武舉也正元道光乙酉科武舉

也列氏按一作也列

西魏書順陽王仲景娶尔朱天光之妻也列氏本偁女有美色

把 見廣韻

廣韻西魏有襄州刺史把秀按一作杞秀

溧陽志永樂舉人把士聰溧陽人由仁和訓導升襄州府伴讀

陝西志弘治中把宗陝西人以都指揮守備甘肅

把利氏見唐書

唐書諾州刺史把利步利以州叛歸于吐蕃

捨

統謹洪武中江陰稅課大使捨敬字敬先

瓦

見世本

耳新錄嘉靖中廣西女土官瓦氏率兵來吳援倭寇

且

統謹宋且謹修元祐中知德化縣事明且簡朝城人弘治中

山西潞州判官按朝城弇山堂別集作觀城且樂韶州樂昌

縣人正統戊辰進士

寫

按寫西羌姓

彭澤傳寫亦虎仙以幣二千銀酒鎗一賂之令還哈密城印

未得報輒奏事平乞骸骨召還理院事寫亦虎仙者素桀黠

雖居肅州陰通土魯蕃酋速檀滿速兒為之耳目據城奪印

皆其謀澤初不知而遣之滿速兒以城印來歸留速檀拜牙

郎如故虎仙復啗使入寇曰肅州可得也會副使陳九疇擊其使失拜煙答及虎仙等內應絕乃復求和

楚 按楚古野字

姓謚元有楚僊濟南人登進士楚佑固安人正統間任南昌衛千戶

縉紳錄本朝嘉慶時山西大同縣知縣楚瑛

雅 見潛夫論路史

呂氏春秋桀臣雅侈按一作推移又作侯哆氏姓謚遼有雅里一日射黃羊四十狼二十一

奇姓通元有詩人雅琥按雅琥字正卿可溫人著有正卿集見元詩齋里雅琥在文宗朝為奎章閣御史表刻其阿順權臣

社

魏書柔狄曷多汗棄其父與社喻率眾西走魏長孫肥追斬曷多汗社喻收餘眾奔匹候跋匹候跋處之南鄙社喻襲匹候跋殺之掠五原以西諸部走度漠北按載記社喻河西鮮卑也

社南氏見姓苑開元謚

社北氏見姓苑風俗通開元謚

風俗通漢高場娶扶風社北氏女

者

明史嘉靖時者濬嗣職殺營長而奪其妻生子繼榮濬年老而無他子繼榮得襲職遂弑濬妖生王道張道以繼榮有異相奉為主用符數鍊丁甲煽聚徒黨獨外弟隆有義不從者舌氏詳證引世本按者舌國名見魏書世本無其文

也 見氏族畧

按幽明錄漢建武元年東萊人姓也家常作酒一日見三奇

客共持麩飯至索其酒飲飲竟而去頃有人來云見三鬼酣

醉于林中是也姓東萊昔有之不獨蕃姓也

鎮江志也先臺字振揚遼陽人子也勇字懋忠勇于安字振

國安子玘字廷用玘子勝字尚德勝子宣皆為鎮江指揮同

知正德時賜姓關

歷城志也喜貴歷城人康熙五十三年任漢鳳營參將

涼州志也承聖登封人雍正間任平蕃縣典史

也列氏

綱目西部鐵勒酋長也列河將三萬餘戶降于魏按亦見周

書于謹傳胡三省止以也為虜姓不連列字非也

姓韻卷六十

二十二養

養 見左杜注姓氏考

武威張 澍纂

左昭公十三年傳楚令尹子旗有德于王不知度與養氏比
王殺鬪成然而滅養氏之族注養氏子旗之黨養由基之後
左桓九年傳鄧有養甥與聃甥救鄧三逐巴師不克
後漢五行志養奮字叔高鬱林州人博通古籍和帝時以布
衣舉方正對策陰陽水旱之事又見孝子傳按廣州先賢傳

鬱林布衣方正養奮字叔高和帝時策問陰陽不和或水或旱奮對之

漢繁長張禪等題名有夸侯養伯達

氏姓謹南北朝梁有養彭舒宛人養雄壽州人洪武中從征廣西升長沙護衛指揮

涼州志養賢涼州人正德中任江西都指揮同知

關中金石志郭鈞遺愛碑至正十五年立常視遠撰文李琇

正書養安處篆額

陝西志養大賢涇陽人任山西平定州吏目

養由氏見元和姓纂

鞅 見姓苑

象 見姓苑

陝西志象賢耀州人宋慶曆六年賈黯榜進士

仰 見姓苑

呂氏春秋舜立時仰延乃拌瞽容之所為瑟益之八弦為二十五弦

晉書西晉善醫者有仰道士

晉書後蜀李壽攻朱提以仰攀為先鋒按仰即仰字也

吳越備史仰仁詮先為牙將單服詣錢元珣聽事元珣股栗
遂還錢塘後吳越寧國軍節度使同參丞相府事按仁詮湖
州人錢元鑠元妃仰氏即仁詮之女五代史晉天福中以鎮
海軍興武左右開道都指揮使明州刺史仰仁詮為檢校太
傅同平章事領宣州寧國軍節度使從錢元瓘之請也

宋史仰仁謙吳興人太平興國間以太子舍人知永嘉廉慎
有容撫民如子仰忻字天賦永嘉人力學以篤行稱年五十
餘執母喪有慈烏白竹之瑞紹聖中太守楊蟠表其里仰文
蔚温州人紹興中登科

于謙傳仰瞻字宗亮長洲人永樂中由虎賁衛經歷遷大理
寺丞正統間宦官王振用事百官多奔走其門惟瞻與大理
卿薛瑄不往會與瑄辨殺夫寃獄益忤振下獄謫戍大同景
泰初為右寺丞執法愈堅在位者多不悅移疾歸加大理少

卿

畫史會要仰延宣號筠石維揚人凡作山水先以水巽淨几
紙鋪于上用筆點染以取烟潤之態萬麻中來豫章不甚得
售乃棄去隱名市肆

高穀傳薦道士仰彌高曉陰陽兵法使守邊時頗譏之

氏姓謹仰昇字晉卿無為州人成化己未進士任河南左布政使仰儒餘姚人弘治癸丑進士

甘肅志仰九明河州人順治五年任陝西西安左營遊擊江南志仰朝丙安徽無為州人捐縣丞又仰朝丙無為州人嘉慶時官惠安縣良興司巡檢

枉 見廣韻

盪 集韻盪人姓音儻此姓諸書無今補

昉 見姓苑

放 見姓苑路史

尚書堯典有放齊按荒史越裳氏貢龜背有圖文帝命太史放齊錄之謂之龜鑑

劉鋹傳芒市土舍放正堂與莽瑞體子應裏從父猛別弟阿瓦等各率象兵數十萬攻雷弄蓋達千崖南甸木邦老姚思甸諸處殺掠無算是夸姓也

掌 見姓苑

按楊雄與劉向書云林閭翁孺婦蜀郡掌氏子

晉書掌同琅邪人前涼遂興侯掌璩敦煌人按作常據者誤宋史掌禹錫字唐卿郾城人以工部侍郎致仕博學多記

著有郡國手鑿一卷周易集解十卷禹錫喜命術自推直生
日年庚寅日乙酉時壬午當易之歸妹困震初中末三卦以
世應飛伏納五甲行軌析數推之卦得二十五少分三卦合
七十五年約半祿秩筭數盡于此矣

氏族畧掌奏掌天鈞密州人掌世衡許州人掌之純致和中
知汀州掌文紀治平三年任延陵縣事

李時勉傳王振言時勉擅伐官樹入家取中旨與司業趙琬
掌饌金鑑並初國子監前

仇
見急就篇

按孟子母仇氏魯有黨姓音掌孟母當是黨氏之族

梁四公有仇胥按龐元英文昌雜錄姓仇名胥仇音掌五阮
人昭明太子曰仇出太乙符胥出史記五阮雁門也梁四公
記應對禮賓則胥公欲之魏興和二年遣崔敏陽休之來聘
胥公與敏設論三光四氣五行十二支二十八宿風雲氣候
金丹玉液藥性針道六性五蘊陰陽麻數韜畧機權飛伏孤
虛鬼神情狀始自經史終于老釋凡十餘日辯揚六藝百氏
與敏互為主客立設絕倒觀者莫不盈量忘歸然敏詞氣事
沮于胥不自得因而成疾中道而卒

黨 見左傳釋例周世族謚

左莊三十二年公築臺臨黨氏襄二十九年傳黨叔

氏族謚宋有黨翁賣藥洛水北南行步甚快自言五代清泰
中事柴世宗有放船公帖可驗其衣服猶唐裝也有妻無子
元豐中不知所在計其壽當一百七十八

四川志黨哲成都拔貢崇禎中知安化縣時寇氛肆扇哲率
民兵勦復游騎劫掠躬捕治以奉法署寧鄉縣事龍王潭賊
起入巢撫定之後升靖州死難贈太僕寺卿

陝西黨威神木人崇禎時嘗擊賊于西維峪擒賊首竇阿婆
後從汪喬年戰没于襄城

黨 一作党見路史按黨党係一字今隨各書所作體分別之

魏書司馬德文建威將軍河西太守馮翊羌酋黨道子遣使
內屬

魏書小峴戍主党法宗攻破大峴戍後為統軍任城王澄命
與傅豎 等分兵攻東關大峴淮陵九山

按前秦脩 太尉廟碑有和 黨陸道 黨共永長後秦錄
姚秦將軍黨耐虎世為羌豪姚萇將有黨刪姚興將有黨智
隆以東鄉降大夏赫連勃勃用為光祿勳羌酋黨容率所部

叛復降泗又有光遠將軍吳平男黨娥羽林監黨成
姓謹後魏寧州刺史北地公黨宏六代孫仁宏唐陝州刺史
廣都公生敬元濮州刺史監門將軍婺州都督黨孝安職方
郎中黨暉並同州人按唐黨金毗為裴行儉拔為名將黨芬
為房瑄孔目

宋史黨進馬邑人不識字已名進常稱曰暉問之曰從吾便
耳人皆稱黨太尉故事開寶中從征太原以功歷官至中武
軍節度使

氏族畧黨祺淳化登第慶曆登科有黨師經延州人

金史黨懷英字世杰馮翊人進裔孫善篆籀李陽冰以來鮮
有及者大定時充遼史刊修官應奉翰林文字升待制與移
刺趙孟淵等七人同任編修移刺履于章宗前言其舉進
士後不讀書為翰林丞旨自書其姓誤作鄙

想 諸姓書無此氏今補

按經典釋文老子有想余注

爽 見姓苑

宋史政和九年大理國遣進奉使天馬爽彥貴副使坦綽詣

闕

爽鳩氏見姓纂

廣 見姓謹風俗通

風俗通漢有廣浩

百官表中尉廣意

謝承後漢書廣漢孺字叔林為東郡太守烏巢于廳事屋梁

兔產于林下按孺一作儒

集古印謹漢有廣平廣卿記

魏志有尚書廣東司馬宣王使為書喻王凌

氏族畧宋有廣漢紹興三年通判贛州軍事廣熙績永州

別駕

奇姓通廣嵩六安人洪武間舉楷書任中書廣嚴蒲州人正

統中任雞澤縣丞

廣成氏見風俗通

莊子黃帝時廣成子在空桐黃帝問道

廣武氏見姓纂路史

丈 見姓苑

莽 見前漢書

匈奴傳重合侯莽通將四萬騎出酒泉按功臣表以侍郎發

兵擊反者如侯後與衛尉潰謀反要斬

漢書莽何羅謀反行觸寶瑟僵為金日磾禽之

新唐書吐蕃傳吐蕃酋長莽布支則天聖曆中降封安公

氏姓謚莽亨平原人正德中官思南府通判

劉綎傳緬甸去雲南遠自其酋莽瑞體以兵服諸番勢遂強

數擾邊境江西人岳鳳者商隴川驍桀多智為宣撫多士寧

記室士寧妻以妹鳳誘士寧往見瑞體潛與子曩烏醜殺之

并殺其妻子奪金牌印符受瑞體偽命代士寧為宣撫瑞體

死子應裏嗣鳳結耿馬賊罕度南甸土舍刀落參芒市土舍

放正堂與應裏從父猛別弟阿瓦等各率象兵數十萬攻雷

弄盞達于崖南甸木邦老姚思甸諸處殺掠無算

唐胄傳遷廣西提學僉事令土官及徭蠻悉遣子入學擢金

騰副使土酋莽信虐計禽之

平定緬甸述畧嘉靖萬曆間有莽瑞體其子莽應裏永明王

由榔入其國其酋莽應時陽奉而陰拘之乾隆時酋莽達喇

與諸酋構兵為所殺

蔣 見風俗通

漢書扶風人蔣詡字元卿為兗州刺史聞王莽居攝謝政歸

時人語曰楚國二龔不如杜陵蔣翁與羊仲求仲友善

漢雜事蔣滿為上黨守其子萬為北地都尉同詔徵見宣帝

曰父子剖符耶即詔滿為淮南王相萬為宏農守

姓源韻謹蔣默翻四世孫字季秀父橫仕為大將從光武討

赤眉有功默居陽羨瀟湖封雲陽亭侯終諫大夫子何前將

軍蔣澄字少明橫幼子封山亭鄉侯仕至刺史按澄為司隸

校尉羌路譖殺之

戴憑傳憑曰伏見前太尉西曹掾蔣遵清亮忠孝學通

古今陛下納膚受之訴遂致禁錮世以是為嚴帝後解

遵禁錮

沛相楊君碑陰懷陵園令蔣禧字武仲

漢書袁紹敗走黎陽入其將軍蔣義渠營把其手曰孤以

首領相付矣義渠避帳而處之使宣號令

魏志曹操使九江蔣幹說周瑜

寰宇記蔣子文為秣陵尉逐賊傷死嘗自謂骨青死當為神

按子文名恭

後趙錄冉閔臣蔣幹遣使求救于謝尚長水校尉馬願開城

門納燕兵戴施蔣幹縣緇而下奔于倉垣按此又一蔣幹也

唐書蒲州刺史蕭至忠自託于太平公主引為刑部尚書華州刺史蔣欽緒其姝夫也謂之曰如子之才何憂不達勿為非分妄求至忠不應欽緒退歎曰九代卿族一舉滅之可哀也哉按欽緒萊州膠水人後官吏部侍郎子沈乾元後授陸渾整屋咸陽高陵四縣竭心撫率所至安輯郭子儀兵過其縣誠軍吏無擾稍遷長安令刑部郎中侍御史擢御史中丞東都副留守尋遷刑部侍郎刪定副使改大理卿兄演溶弟清俱以幹局才擅能名天寶中卒

長

漢書南蠻傳長貴殺青衣長令田按一作任貴為邛穀王長孫氏見世本

世本齊大夫長孫脩食邑于唐其孫仕齊後號唐孫氏漢藝文志孝經有長孫氏說二篇

儒林傳王吉授韓詩于淄川長孫順由是韓詩有長孫之學順授東海髮福

魏書長孫嵩代人父仁昭成詩為南部大人嵩寬雅有器度年十四代父統軍後歸道武麻侍中司徒相州刺史封南平公劉裕代姚泓嵩列軍于河北岸與叔孫建等

自成皋南濟晉諸屯戍皆望風潰太武即位為左輔詔問伐
赫連蠕蠕何先嵩與平陽王長孫翰對以為莫如先伐蠕蠕
後帝西征屈丐嵩以元老留鎮京師年八十薨從子道生忠
厚廉謹道武時掌機密太武時遷廷尉從征赫連昌道生與
司徒長孫翰宗正娥清為前驅遂平其國除司空加侍中封
上黨王薨道生廉約身為三司衣不華飾食不兼味一熊皮
障泥數十年不易時人比之晏嬰子抗位少卿早卒抗子觀
觀子稚稚子承業承業子彥本名儁有膂力以累從父戰
封槐里縣子帝與齊獻武王構隙加子彥中軍大都督行

臺僕射鎮宏農以為心膂後從帝入關子彥少常墜馬折臂
肘骨起寸餘乃命開肉鋸骨流血數升言戲自若時以為踰

于闐羽

又長孫翰少有父肥風道武時以善騎射為獵郎與元磨渾
迎明元即位遷平南將軍鎮北境威名甚著太武即位封平
陽王從征大檀遷司徒死謚曰威子臧襲爵
又長孫慮代人母因飲酒其父真呵叱之誤以杖擊便死真
為縣囚執處以重坐慮列辭尚書願代父死尚書奏曰慮于
父為孝子于弟為仁兄尋情宥狀特可矜感孝文特恕其父

死罪流之

又長孫紹遠字師少名仁寬容有大度雅好墳籍聰慧過人父承業作牧壽春時紹遠年十三管記王頌者文學士也試以禮記月令誦一遍即若流起家司徒府參軍事恭帝二年遷錄尚書事周文謂羣臣曰長孫公任使處令人無反顧憂漢之蕭冠何足多也為太常時創造樂器惟黃鐘不調嘗經韓使君佛寺聞浮屠三層上鐸鳴其音雅合宮調因取而配奏方始克諧拜少保司空出為河州刺史戎落同姓婚媾成俗紹遠導之以禮大革弊風入為小宗伯武帝讀史書見

武王克殷而作七始又欲廢八懸七并除黃鐘之正宮用林鐘為調首紹遠奏以為不可後遘疾慮有司遽捐樂器乃與樂部齊樹書言不得毀之薨謚曰獻子覽嗣

又長孫兕字若汗紹遠兄子性機辯強記博聞雅重賓游尤善設論從孝武西遷周天和初進驃騎大將軍麻熊絳二州刺史並有能名卒子熾嗣熾字仲光性敏慧博涉羣書兼長武藝周武帝時為道館學士隨文帝受禪率官屬先入清宮授內史舍人遷太常卿改授吏部侍郎大業中麻戶部尚書吐谷渾寇張掖令熾擊之追至青海帝幸江都留熾居

守卒謚曰靜子安世通事謁者熾弟晟晟字季性通敏畧涉書記善彈工射趨捷過人年十八仕周為司衛上士隨文帝一見器之及突厥攝圖請婚周以趙王招女妻之晟副汝南公宇文神慶送千金公主至其牙有二鵝飛爭肉晟一發雙貫焉遂拜奉車都尉開皇元年攝圖攻陷臨榆約諸部落南侵文帝懼命陰壽鎮幽州晟先知攝圖玷厥阿婆突利等叔侄兄弟內懷猜忌外示和同難以力征易以離間因上書帝召與語晟口陳形勢手畫山川寫其虛實皆如指掌累使攝圖阿婆稱旨加授開府突厥達官降旨言突厥之內大畏長孫統管聞其弓聲謂為霹靂見其走馬稱為閃電仁壽元年晟表奏曰臣夜登城樓望見磧北有赤氣長百餘里皆如兩足下垂被地謹驗兵書此名潑血其下之國必且敗亡欲滅匈奴宜在今日遂副楊素軍次河北逢賊帥思力侯斤等領兵距戰晟與大將軍梁默擊走之事畢入朝煬帝立以為武衛將軍帝幸榆林晟使染干刈帳前草後為右驍騎將軍卒晟好奇計務立功名性至孝居憂毀瘠為朝士所稱謚曰獻少子無忌嗣其長子行布亦多謀畧有父風

隨書長孫覽字休因性宏雅有器度喜怒不形于色曉鐘萬
機委卿先覽因賜名隨開皇二年將有事于江南徵為東南
道行軍元帥統八總管出壽陽會陳宣帝殂欲乘釁滅之
監軍高熲以禮不伐喪而還後為涇州刺史卒官子洪嗣
位宋順臨三州刺史司農少卿北平太守

唐書長孫無忌字輔機文德皇后元少好學該博文史性
通悟有籌畧畧與秦王為布衣交官司徒畫凌烟閣帝入
卧内受遺詔顧曰我有天下無忌之力也後勿令諂毀害之
高宗即位進太尉中書令與褚遂良悉心奉國以天下安

危自任後武昭儀立深銜無忌許敬宗李義府等揣后
意使洛陽人李奉節上變事致反狀削官安置黔州流
其子冲等于嶺外逼令自縊天下哀之開成三年以裔孫
鈞為猗氏令

又長孫敞字休明無忌從父隨煬帝為晉王敞以庫直從敗
驪山王凌危逐鹿諫曰大王冒華堂淫原獸可乎王遂止幸
江都時留守禁籞唐高祖時為杞州刺史貞觀初坐受賄免
又長孫操字元節無忌從父弟父覽為周大司徒操有學術
高祖初拜為相國府金曹參軍未幾檢校虞州刺史徙陝

州城中無井人勤于汲操為醜河溜入城百姓利安後為齋
揚益三州刺史課皆最詔褒揚之子詮尚新城公主無忌得
罪詮流雋州有司希旨殺之詮有甥趙持滿者工書善騎射
力搏虎走逐馬而仁厚下士京師無貴賤愛慕之為涼州長
史嘗逐野馬射之矢洞于前詮之貶許敬宗懼持滿才能仇
已追至京屬吏考訊榜色不變曰身可殺辭不可枉吏代
為占殺獄中

廣異記唐坊州中部令長孫甲篤信佛一日齋次見文殊菩
薩乘五色雲下其家供養之其子心疑之延道士禁咒菩薩
問道士曰汝讀道經知有狐剛子否答曰知之曰狐剛子者
即我是也得仙來已三萬歲

啓顏錄長孫亨同幼有機辯坐中每劇設無不歡笑後任荆
王友所司差攝祭官祠社于壇所請齋在幕內坐有狗遺穢
于墻亨同取軌自擊之傍人怪其率亨同曰豈不聞苟利社
稷專之亦可

朝野僉載長孫昕皇后之妹夫與妻表兄楊仙玉乘馬二十
餘騎並列瓜搗于街中行御史大夫李傑左坊內參姨母僮
僕在門外所與仙玉即使奴打傑左右傑出來并被按頓須

史金吾及萬年縣官並到送縣禁之昕妻父王開府將二百
騎劫昕等去傑與金吾萬年以狀聞上奉勅斷昕殺積杖至
數百而卒

唐書長孫恕貞觀中為龍門令于縣東南鑿石壘渠溉田
良沃畝收十石又于縣西鑿馬鞍塢渠

按唐又有金部員外郎長孫鑄戶部員外郎長孫處仁長
孫納言注孫恂切韻長孫滋有崔氏守一詩傳一卷長孫祥
永徽中為雍州刺史長孫愷為邠州刺史

上
是掌切見姓苑

左襄二十二年傳齊侯伐衛貳廣上之登御邢公盧蒲葵為
右注貳廣公副車

說苑審子對周威公曰楚有士曰上解于王將殺之上亡奔
晉晉人用之是為雨堂之戰

印數漢有上雄

氏姓謚元上都為中興判官統兵擊賊既而東門失守上都
遂蒼黃反鬪力屈為賊執剗腹死

湖北志上泰字志同江夏人景泰甲戌進士麻廣東左參政
上觀字景瞻江夏人成化中任知府

廣東志上伯時吳川人正德時任大冶知縣

陝西志上志朝邑人天順丁丑進士嵩陽知縣

上成氏見路氏

後漢方術傳有上成公密縣人父行還家語家人云我已得
仙家人見其舉步稍高良久乃沒陳實韓韶親見其事按
仲長統昌言抱朴子均作卜成公

上官氏見史記注姓纂

漢書外戚傳上官桀隴西上邽人少時為羽林郎期門郎從
武帝上甘泉天大風車不得行解蓋授桀桀奉蓋雖風常

屬車雨下蓋輒御上奇其材力遷未央廡令上嘗體不安及
愈見馬馬多瘦上大怒曰以我不復見馬耶欲下吏桀頓首
曰臣聞聖體不安日夜憂懼意誠不在馬言未卒泣數行下
上以為忠由是親近為侍中稍遷至太僕武帝疾病以霍光
為大將軍太僕桀為左將軍皆受遺詔輔主以前捕斬反者
莽通功封桀為安陽侯子安桑山侯女為昭帝皇后拜車騎
將軍後以反誅

李雲傳郎中上官資上書救雲貶秩二等

西羌 金城長史上官鴻上聞置歸義建威屯田二十七部

高陽令楊著碑陰有馮翊上官孝蘭

楊震碑陰有河東上官仲祖

學師宋恩等題名有文學師上官震彦照

李翕龜池五瑞圖碑陰有士官掾上祿上官正字君選

張納碑陰有議曹掾江州上官延領校安漢長江州上官旦

姜維傳注郡吏上官子脩與維還冀冀人大喜乃共詣諸

葛亮亮見大悅見魏畧

魏志河東上官崇

周聖母四面碑陰有左箱化主上官拔洛

晉書太弟穎僭侈日甚嬖倖用事東海王越與右衛將軍陳

昉及長沙故將上官已等謀討之後上官已在洛陽殘暴縱

橫守河南尹周馥與司隸滿奮謀誅之事泄奪等死

晉書李特以上官品為將帥上官琦為僚屬又有司馬上官

淳漢王相上官澹皆天水人

隨書蜀王秀之得罪也慈州刺史上官政坐事徙嶺南後徵

為驍衛將軍

大業拾遺記武德四年東都平後觀文殿寶厨新書八千許

卷將載還京師上官衛夢見煬帝大叱曰何因輒將我書向

京師乎

廣異記麟德時上官翼為絳州司馬有子年二十為孤魔凡與日食狐皆奪之翼乃密搗毒藥油麻熬之與兒狐奪取食之即死按藝文志上官翼養生經一卷

唐書上官儀字游紹陝州人父宏為隨江都宮監太業末為陳棱所殺儀幼左右匿免工文詞涉貫典墳貞觀初擢進士第授宏文館學士遷秘書郎太宗屬文遣儀視草高宗即位為秘書少監進西臺侍郎儀工詩其詞綜結婉媚人多效之謂為上官體麟德元年坐梁王忠事下獄死子庭芝麻周王府屬亦被殺庭芝女中宗時為昭容昭容方娠母鄭氏夢神人昇之火秤以此可稱量天下

唐表上官安遺腹子期裔孫勝蜀太尉二子曰茂曰先先徙東郡後徙陳郡五世孫回至宏為江都總監又徙揚州

唐書陳許節度使上官況卒其婿田陳欲脅其子使襲軍政又左金吾大將軍李昇雲鎮咸陽疾其子政諛與虞戾上官望等謀效山東藩鎮使將士奏攝父事

舊唐書興平上官興因醉殺人而亡竄官捕其父囚之興歸待罪有司京兆尹杜悰御史中丞宇文鼎以興自首免死囚

其老獎請免死許之

新唐書南蠻傳貞觀十二年巫山獠叛夔州都督齊善行
擊破之是歲巴洋集壁四川獠叛攻巴州遣右武侯將軍上
官懷仁破之于壁州虜男女萬餘明年遂平

金石錄華陰廟有上官沼題名在大曆十三年按唐世系表
有上官詔當即其人宜從碑作沼

五代史上官進故後主軍校也國亡嘯聚亡命三千人劫掠
村民夜攻梓州城為知州馮瓚所禽

宋史上官正字常清開封人少舉三傳後為鄜州攝官雍
熙中召授殿前承旨淳化中為劍門都監李順之亂賊黨分
掠劍門時止有疲兵數百人正激以忠義士氣振作會成都

監軍宿翰與正合迎擊賊眾數千斬馘殆盡太宗喜授劍州
刺史充劍門部署順誅後餘寇匿山谷正諭以朝廷恩信皆
率降加西川招安使自負平賊有勞受人主知木強凌人無
所顧忌數暴揚官吏之短後官左龍武軍大將軍致仕正婢
直遇事輒發子璨內殿崇班

又上官凝字成名邵武人進士調銅陵尉官滿有老叟十數
送至境上餽藥數器行數里發之皆白金追而反之

按宋元祐黨籍碑有上官均據傳字彥衡邵武人哲宗立擢
開封府推官元祐中累改提點河北東路刑獄紹聖初拜左
正言遷工部員外郎累知越州徽宗立入為秘書監知永興
軍徙襄州崇寧初與黨籍奪職政和初復集賢院脩撰上官
愔字仲雍均季子政和二年第進士二帝北狩愔上宰相書
請迎康王速即大位西入京師以圖恢復建炎二年遷著作
佐郎出知南劍州以剛介著政聲著有尚書小傳論語孟
子略解及史統史旨上官恢字閔中均從子登進士崇寧中
知深州改南劍州政尚寬和胡安國以恢與楊時並薦官至

中大夫上官愔字正平凝之孫從從父均學登元豐八年進
士調溧陽尉改新息遷濠州錄參改永城縣丞廉正明決雖
不見知而自信不改上官粹中字德厚均再從孫喜義嗜學
隆興初以累舉試策入第調武岡軍僉判在官以長者稱零
陵有重囚獄久不決粹中推詰片言而定囚感服上官必克
字後之愔曾孫幼孤事母孝謹篤學好脩慶元五年以積
舉推恩監成都府都稅務鈎察精明洞燭情偽吏無所容其
奸上官渙然字文之渙酉之弟以兄奏補為鄞縣尉擢淳祐
辛丑進士第被薦幹辦行在諸軍糧料院對疏論欲正朝廷

當自正君心始欲明綱紀當自明公道始愛善類以壯君子
之脈容直言以伸公論之氣又條奏守邊之策遷司農寺丞
宋史上官基字子固光澤人嘉祐進士知將樂縣會寇起募
邑人廖恩殲焉操履可稱子公穎族子公弼俱登科上官端
義字方叔邵武人以蔭為惠安簿催科示民以信民自樂輸
調袁州司法適歲飢被委發糶民或有不足于直出已貲補
之遷建安丞攝浦城甌寧二邑有惠政上官賁字濟叔淳熙
五年赴庭對調浮梁丞脩陂塘渠堰民得其利上官超光澤
人性純孝母病篤剗左脇取肝飼母而母愈縣令張碩表其
縣丞聽訟明敏奸黠無所肆其巧遷上杭縣令有政聲上官
謚字宇國邵武人為學務求義理從朱熹學任永州推官
為政簡易人悅之

按宋有屯田員外郎上官必見回中山陶穀碑陰馮翊人宋
史有上官融友會設叢三卷

氏姓謚上官儀延平府沙縣人永樂辛丑進士上官崇吉水
縣人弘治壬戌進士上官捷科澠池人萬曆辛丑進士上官
鉉翼城縣人崇禎癸未進士上官通字一明容儀蒼古善楷

書幼嘗為吏一旦棄家結廬深山冬不爐夏不扇夜不就寢
通道術善治病祈雨即驗七十七絕粒而終上官佑邵武人
永樂中新城教諭講習祥明訓誨無倦擅古人詩律上官蓋
字忠赤曲沃人起家鄉舉崇禎中授順義知縣廉執有聲
值順義被圍蓋與游擊治國器等拒守城破自縊死

題名錄上官鑑翼城縣人順治丙戌進士上官儀朝邑人雍
正丁未進士上官謨吉水人乾隆丙辰進士上官德輿朝邑
人乾隆壬戌進士

縉紳錄上官宏道朝邑人由舉人順治十二年任慶陽教諭
升營山知縣上官師孔慶陽府貢生上官養浩蘭州歲貢
任詹事府錄事上官興雲河南澠池人嘉慶時官文縣典

史

上郡氏此姓諸書無今補

唐余知古渚宮舊事渚齒得罪于懷王游騰為齒說王曰秦
有上郡午者重丘之戰謂秦王曰必無與楚戰王曰何也
對曰南方火也西方金也金之不勝火必矣秦王不聽果戰
不勝今午又謂秦王必與楚戰南方火西方金也今楚正夏
中年而危其柱國此所謂火自滅也王懼因復渚齒按此文

太平御覽引作戰國策郡作羣誤

上陽氏見路史

上衛氏見周書史記篇此姓諸書無今補

蕩 見世本

昭十二年傳楚子狩于州來使蕩侯潘子圍徐以懼矣

文十六年宋弑其君蕩意諸來奔效節于府人而出意諸

弟蕩虺為宋司馬成十五年傳宋殺其大夫山蕩澤為司馬

杜注澤公孫壽之孫正義曰世本壽生大司馬虺虺生司馬

澤澤字子山也

列女傳魯氏伯姬嫁為蕩氏婦

按古今人表蕩疑即薄疑也

壤 見姓纂

按史記孔子弟子壤駟赤字子徒秦人家語作子從作複姓

誤

賞 見姓苑

高陽令楊著碑陰有河東賞威立

吳志孫休七年魏將新埒督王稚浮海入句章略長吏賞

林

晉書賞慶為郝鑿主簿注周易

姓氏誼洪武間會稽人賞震任理問宣德中會稽人賞璿任
順德府通判弘治中寶雞人賞賓任常山縣丞賞奇璧會
稽人崇禎壬午進士

按本朝江蘓通州管河州判賞恒字秋江順天宛平人議叙
江蘓桃源管河縣丞賞綬字壽芝順天宛平人保舉湖北襄
陽府陽縣典史賞溶浙江山陰人議叙嘉慶時己未進士
賞錯任河南寶豐知縣弟恒淦皆官典史又浙江人賞澧
中順天舉人嘉慶時官開州學正

往

往利氏見唐書路氏按一作姓利氏

敬

此姓諸書無今補

按漢書功臣表湘成侯敬屠洛以匈奴符離王降武帝元狩
四年封坐酎金除是敬為匈奴姓也

罔

見路史

蟒

見唐書

朗

見姓苑

氏姓誼朗清字溫泉象州人成化間舉鄉試麻授教職遷

南京都察院司務轉工部司務因劾劉瑾被謫後奉敕復
獎麻任兩京績著清勤

驃 見姓苑按驃即驃字

唐書豐琶部落大鬼主驃傍封和義王驃離年少驍剛數
出兵攻吐蕃吐蕃間道焚其居室部落亡所賜印章韋皋
請復得印

莽

氏族畧唐有莽貼恭

曩 見姓苑

唐書吐蕃令曩骨委書塞下言論莽熱論泣熱皆萬人將
氏姓謚元有曩秉彝居澧州鄉試第一舉進士官至河南省
參政

庚申外史元監生曩加孫

汧 見姓苑廣韻

楠 見高誘呂氏春秋注此姓諸書無今補

按漢故吏應酬殘題名有故吏楠宗楠田楠舍楠旦楠庭楠
即楠字音朗

枉 海篇直音枉音徃姓也

滿 見辯證

昶 此姓諸書無今補按池北偶談有昶姓



上頁之六十一

栗先生寫梗韻五廻韵共二十七

武威張 澍纂

共字八千八百九十の 每三千字五百字

共字三百二十の

二十三種

梗 此姓諸書無今補

金史胡天作傳平陽公史詠父祚母蕭氏藏窟室索出使

祚招詠祚自縊蕭氏逃歸妻梗氏亦自死宣宗封詠妻梗氏

謚義烈

梗陽氏見姓謹

滿 見辯證

昶 此姓諸書無今補按池北偶談有昶姓

姓韻卷六十一

上聲

二十三梗

梗 此姓諸書無今補

金史胡天作傳平陽公史詠父祚母蕭氏藏窟室索出使
祚招詠祚自縊蕭氏逃歸妻梗氏亦自死宣宗封詠妻梗氏

謚義烈

梗陽氏見姓謚

武威張 澍纂

英賢傳晉有梗陽巫皋漢有梗陽真為侍御史謁者按姓纂
作梗陽貞

鄭 見路氏

景 見廣韻

按秦有景監齊有景春景丑楚有景翠景鯉景陽景合景
釐皆為相楚策齊韓魏共伐燕燕使太子請救于楚楚王使
景陽將而救之補曰世家景陽救楚齊滅宋當項襄十三年
至考烈王六年凡三十年猶相又有景差能賦屈原弟子人
表作景瑳秦有景監孝公寵臣商鞅因之漢高時東陽人襄

強立景駒為楚王即翠鯉之後也高帝九年徙景氏昭氏屈
氏于關中故櫟陽有景丹字孫昭光武時拜驃騎大將軍圖
形雲臺景勃居蜀郡官侍郎

漢書張安世傳樂府音監景武漢學師宋思題名碑有景遷
孝通

王莽傳莽遣太師羲和景將兵擊青徐賊

桓子新論待詔景子春善占

功臣表德侯景建以長安大夫從莽通共殺如侯得少傅石
德侯

後漢書景鸞字漢伯廣漢梓潼人少隨師學經涉七州之地能理齊詩施氏易兼受河洛圖緯作易說及詩解文句取河洛以類相從名為交集又撰禮內外記號曰孔略又抄風角雜書列其占驗作興道一篇又作月令章句凡所著述五十餘萬言數上書陳救災變之術州郡辟命不就以壽終

華陽國志景毅字文堅梓潼人察孝廉舉治劇為沈陽度相高陵令立文學以孔讓化民遷太守吏守闕請之三年不絕以子顧師事少府李膺膺誅自免久之拜成都令遷益州太守恩化暢洽三府表薦徵拜議郎自免歸劉焉拜都尉為

人廉正疾淫祠教子孫惟修善為禱仁義為福年八十一卒按後漢書李膺傳張儉事起收捕鉤黨膺門生故吏及其父兄並被禁錮時侍御史蜀郡景毅子故為膺門徒而未有錄牒故不及于譴毅乃慨然曰本謂膺賢遣子師之豈可以漏脫名籍苟安而已遂自表免歸時人義之滇王傳靈帝熹平五年諸夷反叛拜李德印為益州太守討定之毅初到郡米斛萬錢漸以仁恩少年間米至數十云

吳志孫皓為烏程侯時有西湖民景養相皓當大貴南涼錄傳檀親伐蒙遜太史令景保切諫固爭傳檀大怒錄

保而行戰于窮泉為蒙遜所敗保遂見禽既而逸歸俸檀
謝之封為安亭侯保明于天文善陰陽占候

華陽國志李期以司隸景憲為尚書令

五代史唐莊宗時優人其尤蠹政害人者景進為之首進好
采閭閻鄙細事聞于上

宋史忠義本傳景思忠字進之普州安岳人以父西上閤門
使秦蔭累官西京左藏庫使為遂州駐泊都監夷人寇涪
井鈴轄張承祐出兵救之思忠部卒五百為前鋒弟乘險
破官軍官軍戰不利死者十之六左右勸思忠引避不聽奮

劍疾戰而死走馬使張宗望為言詔察訪熊本考實得其事

神宗憫之官思忠及同死者之子七人餘皆賜其家錢帛

弟思立以蔭主渭川治平寨囉兀用兵韓絳使攝保安軍夏

人寇順寧思立擅領兵赴援諸將敗一軍獨全以功知德順

軍策應王韶取熙州過洮築當川堡克羌香子珂諾城遂

定河州嘗與羌力戰斬不用命者數人軍聲大振詔言其臨

事忠勇再擢東上閤門使河州刺史賜繡旂朱甲又遷四

方館使河州團練使青宜結鬼章舉兵襲殺伐木卒小校

七人以書抵思立詞不遜思立不能忍帥兵六千攻之于踏

白城鈴轄韓存寶蕃將瞎藥交止之不聽自將中軍使守寶及魏奇為先鋒王存將左賈翊將右鬼章眾二萬分三寨以抗官軍戰數十合羌從山下圍中軍他將王寧李元凱沒於陣思立存寶潰圍出諸將多傷議曰日暮兵疲宜移屯東岡以自固思立以魏奇創重獨徙其軍方遣之而殿後兵亂前人望見亦皆潰思立且鬪且退曰我適以百騎走羌數千人無助我者今敗矣當自剄以謝朝廷眾止之少頃再戰遂死時已除忠州防禦使會其死不及拜帝以其輕敵致敗不復贈官神宗以思立母老而未有官舍命其弟思誼

為秦州判官以便養按沈括傳大將景思誼曲珍拔夏人磨崖葭浮圍城括議築石堡以臨西夏神宗本紀元豐五年九月丁亥夏人三十萬眾寇永樂曲珍戰不利裨將寇偉等死之夏人遂圍城戊戌永樂陷十二月丙子錄永樂死事將皇城使寇偉等十三人及東上閣門副使景思誼等九十人贈賜有差

宋史本傳景泰字周卿普州人進士起家補坊州軍事推官後以尚書屯田司員外郎通判慶州即上言元昊雖稱臣誠恐包藏禍心當選主將練士卒修城池儲資糧以備

不虞三疏不報俄元昊反又上邊臣要略二十卷遷都官知
成州奏平戎策十有五篇會有薦秦知兵者召對稱旨按左
藏庫使知寧州任福敗徙原州元昊眾十萬分二道一出劉
璠堡一出彭陽城入攻渭州葛懷敏授劉璠戰崆峒北敗沒
敵騎逾平涼至潘原秦率兵五千從間道赴原而先鋒左殿
直張廻逗遛不進秦斬以徇遇敵彭陽西裨將夏彥觀欲
退守彭陽秦弗許乃依山而陣未成列敵騎來犯秦陰
令三百騎分左右翼張旗幟為疑兵敵欲遁去將校請進擊
秦止之遣士搜山果得伏兵與戰斬首千餘級以功遷西上
馬步軍總管卒

閻門使知鎮戎車兼兵馬鈴轄久之領忠州刺史徙秦鳳路
明一統志景林洙通川人咸平初王均叛林洙率鄉勇拒戰
于州北為賊所戕首殞而身不仆跨馬奔歸城東北隅人
訝之曰公無首屍隨墜地邦人即其地立祠祀之

甘肅志景清真寧人生有異質讀書過誦性介初赴舉宿
淳化民家有女為妖所憑是夕妖不至曰吾避景秀才也
女父語之清書景清在此四字令粘其戶妖遂絕洪武二
十七年進士及第授翰林改監察御史太祖召見命署都

察院左僉都御史建文初擢左都御史以剛直聞靖難兵起清率師戰白溝河乘勝追之將及馬蹶而止成祖即位方孝孺練子寧輩俱相繼死清獨詣闕自歸命仍其官委蛇侍朝人皆疑之欽天監奏文星犯帝座甚急成祖故疑清及朝清獨衣緋遂收清得所帶劍曰欲為吾君報仇肆罵斷其舌清含血進前噴帝衣帝殺之剝其皮實以草繫朝門族其家後帝出草人忽斷索向前為犯駕狀是後精英迭見時入殿廷為遂赤其族宣德間詔建文死者皆忠臣乃得贈諡題名錄景暘儀真人正德戊辰進士

鯁

此姓諸書無今補

史記秦敗我脩魚虜韓將鯁申差于濁澤按鯁一作鯁見徐

廣注

井

見廣韻

穆天子傳天子與井公博五日而決注疑井公賢人隱于枋故穆王就之游戲又有嬖臣井利

漢書扶風郿人井丹字大春以文學知名所謂五經紛綸井大春也

楊震碑陰有汝南井寧博

姓纂漢司徒掾井宗

後涼錄呂光臨松令井祥為沮渠蒙遜所殺

東魏敬使君碑陰有都督井益

氏族畧宋有井淵為尚書郎井亮功井宗元均檀州人嘉祐

登科井公南蔡州人崇寧登科

千家姓井田字九疇邢臺人永樂間任兵刑三科給事中

遷大理評事識達大體隨在以賢稱子源尚嘉大長公主

為駙馬都尉雖富貴未嘗驕人正統中卒于土木井濟博

文安人萬厯二十年知鄧州歲大飢設法賑救全活數十

萬人強于弭盜為一時最

井強六斤氏代北四字姓見魏書按氏族畧引作并疆六斤

氏訛

甦 此姓諸書無今補

按元有甦翁自號甦老人所謂竹閣先生也澍見其尺牘

甘肅志安化蘓成慶妻甦氏賊執不屈投城下骨碎死時人

傷之

領 見左傳

程氏世謚宋新安郡丞艾亭侯程法曉娶吳郡領氏

屏山縣志明永樂中監察御史領佐入蜀采大木

嶺 此姓諸書無今補

按嶺為西南夷姓見邊防考木瓜有大小二種小木瓜旁通西赤口去煖戴密二日過木瓜橋頭稍前十里為大木瓜即今三枝希夷處所一曰凶瓜一曰匪瓜一曰卜特瓜過大木瓜五十里為利濟山極高峻與大涼山相接又五十里至大赤口口外則馬湖之地矣卜特之先分自大赤口凡二十枝臙乃卜特其最著者世居西河屬馬湖安氏鈴轄及安氏滅諸瓜叛入邛部歸嶺氏其地自西河大小赤口涼山雪山等

處周圍盤錯南通馬湖西連建越東接嘉峩蹊路四藏而八達焉嘉靖末諸瓜畜牧蕃盛漸思邛部土官嶺伯不能馭及死臙乃虛相等叛出涼山會同西河匪瓜白緣出砂坪在黎大所于是嘉峩捷為一帶鄰防居民不能安枕建昌及上下川南三道督邛部發兵至苗雞坪截殺之王師未集賊潛從冷溪而度直搗苗雞官軍大劫賊兵益熾乃議大征分建越馬湖諸鎮三路而進直搗巢穴諸瓜惶恐于是請降入貢于峩着盡復侵占田地自七盤子至米麻嶺共四千八百六十

四畝云

明史萬曆中土官嶺柏死孽子應昇負印去柏接沙氏爭之
不得土目阿堆等擁沙氏焚利濟站廬舍擁兵臨城總兵劉
顯率兵往撫之沙氏悔禍殺阿堆等自贖顯遂印授之後沙
氏淫于族人阿祭印復為昇所奪祭死其子嶺鳳起嗾他
番刺殺應昇鎮守官因平蠻之師誘鳳起執之收其印而誅
從鳳起為亂者百餘人印無所歸絀于庫部眾無統肆行
為盜

永

見姓苑

列仙傳永石公聞春申君養賢率徒數十就之

氏姓謹洪武舉人永銘陽朔人洪武戊辰進士永穎富陽人
按弇山別集作富順者誤景泰中歸安訓導永年廣西人
成化舉人永密鉛山人任知縣弘治初曹縣丞永森瀘州人
送 見路史

穎

見姓源韻謹

左傳鄭穎考叔為穎谷封人公賜之食食舍肉曰小人有母
皆嘗小人食矣未嘗君之美請以遺之十一年鄭伯伐許穎
考叔取螿弧之旗先登為公孫闞射死

漢學師宋恩等題名有功曹史穎孝叔慈

儒林傳穎容字子嚴長平人博學多通師事太尉楊賜劉
表以為武陵太守不肯起著春秋條例五萬餘言按隨志漢
公車徵士穎容著春秋釋例十卷

氏族畧宋穎械承務郎徽州路知事穎洪淳祐元年為江陰
司法又著作佐郎穎贇策中賢良方正科遷太子中允按
贈夢英詩碑銜云太子中允知洛陽縣事穎贇即此人也
今上嘉慶時有穎承英順天人捐訓導見縉紳錄

整 此姓諸書無今補

菽園雜記明洪武中有整幼

省 見左傳

左傳昭公二十二年諸侯之戍謀請出華氏宋人從之已已
宋華亥向寧華定華貙華登皇奄傷省臧士平出奔楚

氏姓誼弘治中萍鄉知縣省凱壽州人正德中分宜縣丞省
侃印江人

幸 見寰宇記氏族畧

百官表中郎將幸成子淵為水衡都尉按又有幸都
晉方技傳有建昌人幸靈見人即先拜言輒自名晚年始
娶妻為人療疾去妖怪有驗

唐書韋南容高安人貞元中舉進士試第權衡賦并柳子厚
同年子厚有送歸聯句序盛稱之累遷國子祭酒德行孚于
鄉孫軾有祖風咸通七年中三史料

宋類苑韋潭字子淵為龍王白玉蟾游韋龍王廟作歌五
首孫軾博洽強記有祖風為太子校書郎

十國春秋韋寅遜夔州雲安監人雲安吉為湯谿唐季湯雞
有幸希元者官至上柱國即寅遜之先也寅遜生而穎悟善
屬文仕後主起家茂州錄事參軍後主初嗣位好擊毬馳
騁雖盛夏暑不已左右多不敢諫明德二年寅遜上疏曰高祖

皇祖節衣儉食惠養黎元化家為國傳之陛下陛下宜親賢
俊去壬佞視前代書傳究麻世興廢選端良之士置于左右
訪時政得失天下利病奈何博戲擊鞠妨急政事奔車躍馬
輕宗廟社稷昔陶侃藩臣猶投檣蒲于江况萬乘之主乎前
蜀王氏覆車不遠矣雖宮禁無事止于釋悶臣慮積習生常
不唯勞倦聖體復且妨于庶務諸司中覆因之淹滯其次奔
蹄失馭奄有敬駕蹶陛下雖自輕奈宗廟社稷何後主得疏
雖不能盡從亦優容之不罪也遷新都令已又拜司門郎
中知制誥中書舍人出之武信軍府加史館修撰改給事

中興修前蜀書寅遜常夢掌中抽筆占者曰君必作學士
矣未幾遷翰林學士加工部侍郎判吏部三銓事領簡州
刺史國亡隨後主降宋授右庶子無何上疏諫獵宋太祖嘉
之召見賜帛開寶五年為鎮國軍行軍司馬罷職年九
十餘歲尚有仕進意治裝赴闕未登路而卒所著有王氏開
國記按野人間話孟蜀幸寅遜六七十時居青城山道院院
有塑像黃姑者一夕見夢于寅遜謂曰汝可食杏仁令汝
聰利老而彌壯汝故有道性又不終在此山須出山佐理當
代寅遜夢間拜請其法則與怡神論所載畧同及悟檢其

方逐日服之遂延上壽

宋史幸元龍字震甫高安人慶元初進士通判郢州上書雪
濟邸之冤攻史彌遠之惡万俟卨之孫與岳飛家爭田歲久
不決元龍以田歸岳家所著有松垣巖桂二集弟當時以特
科授光化軍司戶不從郭勝之敗被殺于溁中嘉定進士廉
介有父風知鬱林

東坡志林幸思順金陵老儒也皇祐中沽酒江州人無賢愚
皆喜之時劫江賊方熾有一官人艤舟酒爐下偶與思順往
來相善思順以酒十壺餉之已而被劫于蘄黃間羣盜飲此

酒驚曰此幸秀才酒耶官人識此意即給曰僕與幸秀才親
舊賊相顧歎曰吾儕何為劫幸老成所親哉斂所劫還之且
戒曰見幸慎勿言思順年七十二日行二百里盛夏暴日中
不渴盍嘗啜物而不飲水云

氏族畧幸白幸佑幸之武皆登進士第

氏姓謚元有幸興之至正進士明有幸實字正義吉安人
永樂戊戌進士官刑部主事幸寧廣昌人成化貢士操行

端潔

屏山民有幸士元澍為令時見之

郢

見路氏寰宇志

猛

見路氏

左傳莊公十二年猛獲與南宮牛圍蕭叔大心伐之猛獲奔
衛後為宋醢杜注南宮萬之黨

國語猛足言于太子曰伯氏不出矣齊在廟子盍圖乎驪姬
逞申生乃雉經于新城之廟將死乃使猛足言于狐突曰申
生有罪不聽伯氏以致于死注猛足申生臣

漢藝文志五行家有猛子閻昭二十五卷

明史猛如虎本塞外降人家榆林崇正十三年督師楊嗣昌

請于朝令入蜀十一月監軍萬元吉大饗將士于保寧以諸軍進止不一擢如虎為止總統張應元副之率軍趨綿竹分遣諸將屯要害而元吉間道走射洪扼蓬谿以待賊賊方屯安岳界偵官軍且至宵遁抵內江如虎簡驍騎追之元吉應元營安岳城下以扼其歸路十二日張獻忠陷瀘州其地三面阻江惟立石站可北走元吉以賊居絕地將遣大將南擣其老巢而伏兵旁塞玉蟾寺蹙賊北竄永川逆而擊之可盡殄永川知縣已先遁城止丞簿一二人如虎覓嚮道不可得夜宿西關空舍反抵立石站賊已先渡南谿返走關中

將賀人龍軍隔水不擊賊遂越成都走漢州德陽渡縣河入巴州明年正月嗣昌親統舟師下雲陽檄諸將陸追賊諸軍乃盡躡賊後賊折而東返歸路悉空不可復遏如虎所將止六百騎餘皆左良玉部兵驕悍不可制所過肆焚掠惟叅將劉士杰勇敢思立功諸軍從良玉多優閒不戰改隸如虎馳逐山谷風雪中咸怨望謠曰想殺我左鎮跑殺我猛鎮時賀人龍兵已大譟西歸所恃止如虎元吉深憂之賊自巴州至開縣官軍追之遇之黃陵城日晡雨作諸將疲乏請詰朝戰士杰奮曰四旬逐賊今始及之舍弗擊我不能也執戈

先如虎激諸軍繼之士杰所當輒推陷獻忠見官軍無後繼
密抽壯騎潛行菁谷中大呼馳下良玉先潰士杰及游擊郭
開如虎子先捷竝戰死如虎力戰潰圍出會疽發背移駐南
陽十一月李自成來攻與劉光祚固守城破如虎巷戰為賊
搃死按殉節諸臣錄鎮守南陽總兵官猛如虎驍勇善戰
屢著勞績崇正十三年闖賊攻南陽疽發背力疾奮戰以
計破賊礮傷其精銳城陷持短兵巷戰袖血淋漓賊齧殺
之乾隆四十一年賜謚忠烈又殉節諸臣錄守備猛先捷
總兵如虎子崇正十四年與參將劉士杰等追獻賊黃陵

城戰死乾隆四十一年賜謚忠愍

甘肅志猛先功寧夏衛指揮順治二年任中衛協副將

雲南志猛繼妻易朵猛朋妻易喬雲南順寧人俱以相夫成
功西平侯上其功封恭人

涓
見姓苑

魯襄公三十一年傳齊子尾害問止嬰欲殺之使率師以伐
陽州我問師故夏五月子尾殺問止嬰以說于我師工倭灑
涓竈孔虺賈寅出奔莒注四子嬰之黨釋文涓生領反

杏
見姓苑

丙 見風俗通

按神農臣丙封作穗書一作屏封

左文十七年齊懿公臣丙歎按史記懿公為公子時與丙戎之父獵爭獲不勝及即位 丙戎父足而使丙戎僕與左氏作歎不同實一人也

按孔子弟子丙國宋有丙翮衛有丙安平韓有丙彊丙昌趙有丙朱

貨殖傳魯人俗儉嗇而丙氏尤甚以鐵冶起富至鉅萬然家自父兄弟約頗有拾印有取貫貸行賈徧郡國鄒魯以其

放多去文學而趨利按史記作邴氏

功臣表高宛制侯丙滑初以客從入漢定三秦以中尉破項籍侯孝惠元年簡侯得嗣孝文十六年平侯武嗣建武元年侯信嗣三年坐出入屬車間免元康四年捐子孫之孫高宛大夫齧治復家按捐一作倩又作猜

樂志黃門名倡丙彊景武之屬官顯于世按此又一丙彊也百官表博陽侯丙顯為太僕三年為建章衛尉

漢書丙吉字少卿魯人為廷尉監保皇曾孫為光祿大夫丞相封博陽侯按宣帝紀作邴吉

百官公卿表博陽侯丙昌長矯為太常二年貶為東郡太守按當係吉之子也

世系表後周有信州提管龍居縣公丙明明生粲唐左監門大將軍應國公高祖與有舊以犯嫌名賜姓李

唐書李元紘字大綱其先滑州人後占京兆萬年本丙氏曾祖丙粲仕隨賜李氏與世表不同

氏族畧丙發端平進士

郟

見姓纂辯證氏族畧

按左文十七年傳齊郟歆為懿公僕與閻職謀殺公 竹中

史記作丙戎者蓋丙歆掌御戎車故號丙戎歆亦作郟見索隱

成二年傳韓之戰郟夏御齊侯又有郟師死崔子之難見襄二十三年傳晉亦有郟師又有郟豫比皆樂盈之黨為范宣子殺見襄二十一年傳魯有郟洩清之役郟洩為右見襄十年傳

漢書郟吉安帝時為厨監大長秋江京中常侍樊豐潛殺之按此與博陽侯丙吉為二人

獨行傳郟漢琅邪人有清行為大夫王莽秉政乞歸漢兄子

丹字曼容養志自脩為官不肯過六百石輒自免去按百
官表光祿大夫邴漢游君為京兆尹數月病免是漢字游君
也邴丹傳易見儒林傳

梁冀傳冀欲認鄧猛為其女乃易猛姓為梁時猛姊婿邴尊
為議郎冀恐沮敗宣意乃結客刺殺尊

集古錄漢邴縱字河維按亦見隸

北海相景君碑陰有書佐劇邴鍾字元鍾酸棗人劉熊碑陰
有功曹吏邴磐字世高

魏志邴原字根矩公孫度僭為雲中白鶴荀文若以為異人

士之精藻

錄異傳邴浪者安樂人行到松滋縣九田山見一鳥形如雉
而色正赤集山岩石上鳴聲如吹笙即射中之鳥仍入石穴
中鑿石得一赤玉狀如鳥形

魏畧邴春根矩之後王褒謂其性險狹慕名意多終必不成
後果然

晉書邴郁字宏文城陽人徵士原之曾孫救身謹潔咸康中
博求異行之士郁與劉劭並被薦舉辭疾不至

後趙錄邴輔樂陵人好學多才藝巧思機智妙于當時襄國

宮殿臺榭皆輔所營造石勒悅之以為材官將軍

魏書益州刺史郗蚪遣子子達別將淳于誕拒梁將樊文熾等

隨書李密以東郡郗元真為右長史時隨軍乏食而密軍少衣世充請交易元真等各求私利勸密許之既得食降者益少密悔而止元真性貪鄙宇文溫曰不殺元真必為公患元真知之陰謀叛密密敗以城降世充

郗意氏見姓纂

左定公十三年齊侯衛侯次于華葭使師伐晉濟河諸大夫皆曰不可郗意茲曰可銳師伐河內傳必數日而後及絳絳不三月不能濟河而我既濟水矣乃伐河內齊侯皆斂諸大夫之軒惟郗意茲乘軒悼公九年陳乞政國夏高張高國敗郗意茲奔魯按史記作秉意茲

曷 此姓諸書無今補

澍令江西瀘谿時見福建光澤縣移文有當途縣差曷忠

打 見姓苑

宋史丹眉流國使臣打吉打臘

明史王通傳通中傷還交州黎利在乂安聞之自將精卒圍

東關通氣沮陰遣人許為利乞封而檄清化迤南地歸利按
察使楊時習執不可通屬聲叱之清化守羅通亦不肯棄
與指揮打忠堅守朝廷遣柳升等助通未至二年二月利攻
城通以勁兵五千出不意龍賊營破之斬其司空丁禮以下
萬餘級利惶懼欲走諸將請乘勝急擊通猶豫三日不出
賊勢復振

秉

鐘鼎款識商有秉仲鼎

按左傳齊邴意茲奔魯史記作秉意茲是邴秉字古通也

耿

見服虔說

穆天子傳有耿脩

左莊二十八年傳楚子元伐鄭子元與鬬御鬬梧耿之不

比為旆子元與三子特建旆以居前

漢藝文志耿昌月行帛圖二百三十二卷耿昌月行度二卷

漢書宣帝時大司農中丞耿壽昌奏設常平倉以給北邊

按耿氏自中興後迄建安之末大將軍二人將軍九人卿十
三人列侯十九人中郎將護羌校尉及刺史二千石數十百

人如耿純字伯山父艾為王莽濟平尹後為東平太守此鉅鹿耿氏也純宗人耿伋為蒲吾長純從弟植為輔威將軍耿况字俠游為上谷太守子弇為建威大將軍弇字伯昭子忠子馮馮子良一名無禁良子協襲封好時侯射聲校尉耿國字叔慮弇弟耿曄為烏桓校尉羽林將耿霸度遼將軍耿夔字定公國子夔子舒中郎將伏胡將軍舒弇弟也光祿勳秉字伯初國子秉子冲官漢陽太守騎都尉耿恭字伯宗廣子也恭子溥為京兆虎牙都尉中郎將耿寶為大將軍弇弟舒之孫也元菟太守耿臨中郎將耿譚度遼將軍耿曄字季

遇溥子宏官郎中又議郎耿育上書訟陳湯之功又上書言

繼嗣赤眉將軍耿訢中郎將耿种涼州刺史耿鄙平烈侯耿

况况子霸霸子文金文金子喜喜子顯顯子援又有遂鄉侯

耿宿耿建耿紀謀殺曹操見族耿冲之曾孫也王鳳惡王商

使頻陽耿定誤商以閨門之事又北地諸豪長耿定悉叛隗

囂韓馥主簿耿武袁紹主簿耿苞耿嵩年十二履清高之節

王莽敗盜賊起宗族在草中穀食貴民人相食高分糧于宗

人又漢有武都太守耿勳字伯瑋扶風茂林人熹平三年下

辨李祇立碑見隸釋

西魏書南郢州刺史耿令貴大呼獨入敵中鋒刃亂下人皆謂已死俄奮刀而還如是數四當令貴前者死傷相繼乃謂左右曰吾豈樂殺人壯士除賊不得不爾若不能殺賊又不為賊所傷何異坐逐人也

後涼錄軍司馬耿稚敦煌人

江淮異人錄女冠耿先生善黃白術事南唐

荇

正字通漢有荇不意荇吾按集古印謚作荇孫吾

靖

見風俗通廣韻

舊唐書張憬藏傳劉仁軌微時鼻鄉人靖思賢各詣問官祿謂思賢曰公當孤獨客死後有三子田宅自如曰豈有不中也俄而子皆死貨田宅死于所內

氏姓謚隨有靖德字唐有靖君亮文中子門人號東留八俊又涇州別駕靖延金有靖安民德興府永興縣人貞祐初充義軍屢遷總領萬戶都統隸苗道潤麾下以功授安定縣令遷涿州刺史與元兵戰不肯降遇害

通鑑五代漢有號州伶人靖邊庭殺團練使田令方驅掠州民奔趙思綰按胡身之注靖姓也優伶之名與姓通取一義

所以為諛也考自唐以來如黃幡綽雲朝霞見唐書魏謩傳五代伶官傳之鏡新磨遼史伶官傳之羅衣輕皆足五代史李守貞所署之丞相靖餘郭威執送大梁磔于市金史靖安民永興人苗道潤死民代領其衆封易水公軍亂不肯降元遇害

氏姓謹洪武時靖安蘭州人任蒲州學正靖宣太平人撫州通判靖洪宛平人鴻臚寺卿靖四方永州同知靖科元黃崗人人天啓壬戌進士靖惠丹徒縣主簿進義校尉在延佑元靖邊直隸大名人監生任丹徒主簿

按靖道謨漢陽縣人康熙辛丑進士官翰林編脩乾隆時有黃州舉人靖本託任邵陽縣知縣弟本翊任大冶縣教諭又山東武定府惠民縣縣丞靖厚緘字竹泉湖北黃崗人

冷

見路史

桓譚新論同時郎有冷喜佐梁子初揚子休寫書

陳留耆舊傳曰太守冷宏召吳祐補文學擢舉孝廉按黃香集袁宏漢紀有侍郎冷宏是宏後為侍郎也與黃香共議樂成王養事

急就篇漢有冷幼公河內人

蜀志劉璋將冷苞按胡三省通鑑注本或作冷

前趙錄徐州刺史冷道字安義江都人

甘澤謠唐冷朝陽吳人有詩名大麻才子官監察御史潞州

節度使薛嵩青衣紅綠將行冷朝陽為詞曰采菱歌怨木蘭

舟送客魂百尺樓遂似洛妃乘霧去碧天無際水空流按李

嘉祐集朝陽江寧人嘉祐有送冷朝陽及第歸江寧詩又按

金石文字記唐吳嶽詞堂記興元元年于公異撰冷朝陽行

書

氏族畧宋冷廷叟為光祿卿與黃山谷友冷敬微字公定分

寧人登寶慶進士知德慶府安峒獠之變後除直寶閣知廣州

治官事如家事惜官物如已物冷世光與弟世脩世南同入

太學號三冷與世脩同登紹興進士官御史號冷面御史世

脩知興化上元秩滿士民詣臺請留

圖繪寶鑑冷起巖起京師工傳神至正間嘗寫御容稱旨

明史冷謙字啟敬秀水人有仙術麻太常協律郎

氏姓謹冷麟山東人洪武中為鄆令精敏廉慎

江西志冷曦字景暘新昌人洪武中御史剛正不阿人呼冷

剛面

題名錄冷遂南銅梁縣人宣德庚戌進士冷珂榮昌人嘉靖
戊戌進士冷起元益都縣人嘉靖辛丑進士

池北偶談冷孝子名昇益州顏神鎮人諸生父植元好遠游
崇正己卯歲適嶺表鼎革後兵戈阻絕三十年孝子發憤依
肇慶道趙君韞進退美往瑞州冀便咨訪一日有喬某者亦
山東人往西粵孝子跪請訪求閱歲喬返微聞其父歿于龍
州土司孝子遂辭去溯牂牁而上麻三百七十餘灘自橫州
達南寧又經遷隆思明行五千里過那利人蔡鄭二叟詢知
與其父舊為龍州土司客乃與偕往復與葬師諱姓者遇竟

得父櫬于龍州北門交帶橋側負骸骨歸孝子自叙其事為
龍州扶櫬記冷一寒士父歿三十年竟能覓遺骸于蠻荒萬
里之外視王紳滇南慟哭記尤難書之以風世云
縉紳錄冷嵩齡上高縣人乾隆間任平羅縣丞冷文煒山東
人乾隆時任西城兵馬使指揮

洗
氏族畧洗其極切又音線

氏族畧宋洗雲舉知化州印治進士工部侍郎
題名錄洗桂彥嘉靖進士都御史洗尚文番禺縣人正德辛
未進士洗憲祖順德籍南海縣人萬曆庚戌進士按弇山堂

別集有南海洗桂奇官郎中

二十四迴

迴 見姓苑

集古印謚漢有迴充

裴

氏姓謚元有裴伯宣作浙江潮候說

肯 此姓諸書無今補

按本朝乾隆時有太醫院頂帶吏目肯國忠脩醫宗金鑑時
為副纂脩官

囧 此姓諸書無今補

博古圖商有囧從之彝

茗 見姓苑

並 見姓苑

頃

集古印謚漢有頃憲

鼎

辨證鼎澧與懷州通判霍安國兵馬鈐轄林淵濟州防禦使
張彭年都監趙士訥張謀于潛鼎澧死于靖康元年金人之

難按老學菴筆記云鼎澧羣盜如鍾相楊么有大船又云鼎
澧羣盜惟夏誠劉衡有險若言鼎州澧州也似鼎澧非人姓
名

希進錄宋進士鼎貴

泮 見辨證按此非姓宜刪

